


硃批諭旨

鄂彌達奏摺下



硃批鄂彌達奏摺

雍正十一年三月十二日廣東總督臣鄂彌達廣

東巡撫臣楊永斌謹

奏爲

奏明事竊查雍正五年以前粵東沿海地方疊遭水患無藉貧民頗多移往廣西四川三省及渡海至閩省臺灣謀生者而惠潮二府遷民更衆數載以來伊等各在彼地生聚力作其攜貲仍回本籍者固不乏人而暫回復去及搬眷同往者亦多計其來往之期俱在冬春二季上年十二月內據各州

縣稟稱現有向年前往川省及西省民人茲回原籍搬眷或迎父母以承歡或挈子婦以偕往或前有聘定之妻茲完娶同去者應否准其搬移等因前來臣等再三斟酌彼於數年以前既皆離別父母妻子前往彼地謀生置有產業若槩行禁止不准搬移則彼等兩地牽連室家不能團聚轉致失所伏念彼此皆係

皇上疆土在彼在此俱爲

皇上任土作貢之民臣等公同諭令各州縣查明彼等實在四川粵西兩省置有產業歸接父母妻子而

本籍生計維艱不如彼地者准其挈眷同去不必阻撓更出示曉諭土著居民原無親人在彼者不得信其引誘輕棄故鄉仍恐愚民誤信傳聞私自偕往復遴委幹員查察其有彼地竝無產業偶因聞誤信傳言輕去其鄉者卽動支公項資給護送新設之鶴山縣及恩平開平等處墾荒給以牛具籽種竝給房屋居住爲業總期居者行者兩得其所以仰副我

皇上懷保之盛心所有料理事宜理合繕摺

奏明謹

奏

爲此前經降旨嚴飭諒汝等尚未接到覽所奏大有回護掩飾形景

廣東總督臣鄂彌達謹

奏爲奏

聞事竊照上年粵省早晚兩稻收成豐稔通省會計約有九分以上業經臣先後繕摺奏

聞迨至冬日雨水缺少河道乾淺廣肇惠潮四府米價遂稍昂貴有至一兩四五錢者臣仰體

皇上子惠元元至意會同撫臣飛飭開倉減價平糶又

出示曉諭令有穀之家各出助糶分別獎賞富民

亦俱鼓舞米價遂得漸平入春以來甘霖屢降二

麥豐登河道流通西穀源源運到現在米價自六

七錢以至一兩二錢百姓俱皆安堵樂業臣巡歷

四郊插蒔秧苗甚是茂盛將來早稻仰賴

皇上福庇可期豐收恐厯

聖懷理合繕摺奏

聞謹

奏

覽奏自入春以來甘霖屢降二麥豐登米價平減朕懷

硃批諭旨

下

三

鄂彌達

深爲慰悅

雍正十一年五月初十日廣東總督臣鄂彌達廣
東巡撫臣楊永斌謹

奏爲

奏覆事雍正十一年五月初一日內閣交出奉

上諭朕聞有廣東民人攜老挈幼前至湖南地方每日
或二三百或四五百名口不等問其緣由云係惠州
府人因彼處連被風潮傷損田廬禾稼上年秋間尤
甚米價三錢一斗貧民難以資生是以前往四川覓
食傭工種地等語此有人在湖南地方目睹情形奏

聞於朕者諒非虛假鄂彌達楊永斌身爲地方督撫
將惠州歉收艱食之處竟不奏聞亦竝不籌畫安插
撫綏之法一任百姓盈千累萬轉徙異方深負朕之
委任爾可傳旨密行嚴飭其現在未曾出境之窮民
可作速商量賑恤俾不至於失所其已經出境者有
無招徠回籍之善策亦著悉心計議但不可勉強從
事勒令撤回俾窮民更受苦累朕若再經訪聞必加
嚴處欽此遵

旨寄信前來臣等跪讀之下不勝悚惶伏念我
皇上軫念邊海窮民不忍坐夫失所臣等身任封疆所

皇上司民事敢不悉心辦理竊查粵東雍正五年以前
自容疊遭水患無藉貧民頗多移往廣西四川二省及
渡海至閩省臺灣謀生數載以來伊等各在彼地
生聚力作歷年皆有回籍搬眷之人而上年冬間
比往年較衆據各州縣稟報應否准其搬移前來
臣等公同斟酌謹仰體 皇上保民如赤使民各遂願欲之盛心諭令各屬確查
實在四川粵西兩省置有產業歸接父母妻子完
娶而本籍生計不如彼地者准其同往不必阻撓
更出示曉諭土著居民原無親人在彼者不得信

其引誘輕棄故鄉復委惠州府知府吳簡民等攜
帶公費銀兩於入川總路稽查又委布政司經歷
趙弘文等亦帶公費銀兩於入粵西要路一例稽
查分別放行召回業於本年三月十二日將料理
事宜繕摺奏

聞續恐貧民尚有不由要路別趨小徑偷越者又委長
樂縣典史郭啓潤等俱攜帶公費銀兩前往湖南
以及川省西省一帶地方沿途查察如有仍願回
籍者卽給以路費送回鶴山給以籽本墾耕續據
西省召回民人二百八十三名口湖南召回民人

一百零八名口俱經分發恩平開平鶴山三縣墾荒之處安插現在俱各樂業安居其西省現有親屬願留本地耕種者已經委員前往查明俱各得所至入川各民未知在彼是否安業亦經委員前往查察又將各戶繕造冊籍咨明川省撫臣行查因川省距粵甚遠尚未准有咨覆是以招回各情由未經續

奏再查粵省上年雖閏五月七月兩次颶風實無損於禾稼業經臣等分別兵民竈丁動撥公項按名賑給俱各得所且查往川及往西省者皆係惠州

之興寧長樂龍川和平永安及潮州之程鄉羅定州之西寧七縣民人各該縣俱係山邑竝未稍被風潮上年收成俱有八分以上卽惠州所屬上年秋間惟長樂米價最貴然每米一石價亦不過一兩一錢臣等散賑開倉數日之內旋即平減竝無三錢一斗之說伏念我

皇上惠鮮懷保一夫不獲皆厯
聖懷偶報災眚隨加賑貸此天下臣民所共知者臣等才薄任重時切戰兢惟有仰體

皇上勤恤民依之至意時時悉心體察於地方大小事

務俱早夜商酌其關係稍輕臣等知識可以辦理者卽料理妥協一面奏請

聞其有關係重大則一面料理卽據實奏共朕等聞何敢隱諱不言此案止因川省尚未覆回是以尚未

續

奏遲延之罪實所難寬緣奉旨嚴飭事宜理合據實

奏覆伏乞

皇上睿鑒臣等謹合詞繕摺具奏

覽覆奏各情節究未免有粉飾痕跡

廣東總督臣鄂彌達謹

聖奏爲水師人才難得據情奏

聞仰邀

睿鑒事據原任碣石鎮標左營遊擊許元原任惠來營

守備李盛呈稱爲呈誤事有可原犬馬報冒林公

主情切恭懇代

題俾得及時效力以贖前愆事竊元等生長閩疆熟

識水性恭蒙

聖恩拔擢待罪粵東其居官之勤惰被參之原委諒已

聖恩久在洞照之中無庸復辨竊查閩省督部院於上年秋冬之間檢選因公呈誤弁員咨送天津水師效力元等以尚在粵東未得與選伏思閩粵皆屬主計一體兩省大憲皆可爲

國用人元等年力精壯水師船務自幼素嫻冒昧公題請俾得及時效力稍竭駑駘仰酬

聖恩於萬一則元等感激無旣矣等因到臣據此該臣查得原任碣石鎮左營遊擊許元因雍正九年六月十三日該汛海面有閩省徐萬發商船被風打

皇上沉許元督兵救活六十餘人又雇船撈獲客貨給主料理尚屬盡心因偶有一二兵民於沙中撿得零星貨物該鎮蘇明良稟報以爲許元約束不嚴許元一時浮躁急欲赴省辯寬該鎮隨以擅離汛守咨參革職至原任惠來營守備李盛雍正八年以該備熟諳水務

題調虎門協右營守備尚未到任因雍正八年十二月內惠來縣拏獲土惡黃高飛經過該備駐防之隆江汛前任提臣王紹緒因該備致送高飛酒飯以爲必與高飛有交好私情咨參革職查黃高飛

一方巨棍被獲之後自知難免兩日不食欲圖自盡李盛與該縣密商安慰給高飛等酒飯令其飲食無非欲得活犯解到上司審明正法竝無他故臣向經訪聞復細詢惠來縣知縣張昭美據云致送酒飯一事原係弁令相商共知共見其實李盛竝未與高飛有交好私情查二員居官聲名俱好又皆年力精壯而以一眚廢棄終身甚屬可惜今據二員具呈前來臣未便越例具

題伏念我

皇上愛惜人材微長必錄應否給咨赴部聽候揀選之

處臣未敢擅便謹繕摺奏

聞伏乞

皇上批示遵行爲此謹

奏

許元李盛二員給咨送部引見可也

同日又

奏爲謹籌便益貧民買食之法仰冀

睿鑒事竊查米價騰貴皆由囤戶居奇彼等開張米舖惟利是圖往往捏作謠言增長米價或云風爲旱兆或云雨係水徵一日之間頻增價值一店長價

諸店皆然名曰齊行莫敢異議富民家有蓄積任其高擡於己無損惟手藝貧民終日拮据不供口食蓋肩挑負販爲人傭工一日所得無幾卽遇官府有平糶倉穀不過一升半升日糶日食而已無力多買又不能戶戶有碾米之具且以終日碌碌竝無餘暇故寧貴價向米舖糶米非不知官賣穀石價賤不得已也若欲惠此貧民無如官開米局

臣生長京師目擊八旗自

皇上升旨設立米局以來歷年米價皆未昂貴總由米局價平故囤戶不能射利法良意美實可通行伏

念粵東省會之區貧民待哺尤衆姦民乘機射利往往高價病民臣擬於粵東省城設立米局三處南門設一米局動廣州府倉穀以該府倉大使管理東門設一米局動番禺縣倉穀以該縣典史管理西門設一米局動南海縣倉穀以該縣移駐之縣丞管理各局將日逐糶賣數目每日摺報該管府縣稽查該府縣十日一報司道存案仍令糧驛道不時查察其米價則額定倉斗一兩一石永成定例無減無增倘市價減至一兩以內仍聽民向各店買食市價稍昂卽照定價一兩糶賣其赴局

零買者用銀用錢聽隨民便仍不許買至一斗以外致啓販賣之端賣出價銀則令隨便赴穀賤地方採買源源轉運夫價有定額則胥吏無所容私局既常開則固戶無能專利一切肩挑負販傭工覓食之人三五零錢取攜皆便矣至各府郡城卽將府倉穀石碾米開局比照省局之例仍責令該管道員稽查似亦可以一體通行臣爲窮民艱於零買稻穀起見是否有當伏乞

皇上訓示遵行謹

奏

平糶不過暫濟一時設局卽堪行之永久此奏殊屬可嘉

雍正十一年七月初一日廣東總督臣鄂彌達廣東巡撫臣楊永斌謹

奏爲瑤人情性迥殊因俗權宜立法據實奏明仰邀

睿鑒事竊查五刑之設笞杖爲輕駢斬極重人雖窮克極惡言及斬決無不寒心獨瑤人則畏鞭朴不畏斬殺習俗相沿以爲斬首不失爲好漢若一受鞭朴則不可以對其祖宗粵東各山瑤性俱係如此

臣等初聞此言疑爲荒誕及細加訪察始知此語非誣若欲懾其邪心莫如惕以所畏查雍正十年十二月內據韶州府乳源縣申報該縣十二月初八夜大布村民黃宗玉家被刦傷死事主之兄黃宗和一案陸續緝獲盜犯皆係猺人據該縣府司道起獲正賊歷審明確律擬招解前來查本案盜夥八人趙雲秀爲首起意趙雲武刀斫事主致命三傷盤端賤銃殺事主律應斬決均爲法所難宥趙端滿趙友官同行分贓亦應斬決但未下手傷人情尚可原趙大端趙雲偉被誘入夥趙端倫年

未及歲同行而未止盜止於途中偷宰牛隻應照偷牛例另結臣等細加覆審亦無異詞現在酌核具

題理應循例候

旨正法但猺人畏鞭責而甘斬決是必惕以所畏然後不敢爲非臣等會同司道再三斟酌查趙雲秀趙雲武盤端賤三犯強刦殺人原無可寬擬將此三犯發回該縣令廣南韶連道會同韶州府知府乳源縣知縣將三犯帶至大布村中傳集猺甲猺目猺衆立斃杖下以儆衆猺其趙端滿等雖律應斬

決尚可寬減仍候部覆發落實因徭性迥殊欲得
民安盜息不得不因地制宜理合據實奏
聞再查徭人住居俱係密箐深山從不往來城市以故
聲教不通雖經臣等設立徭甲徭目然無專員料
理亦未妥協經臣等酌議將韶州通判
題請改爲理徭通判專司化誨稽查倘蒙
俞允將來自可聲教漸通矣粵東士習民風近來頗知
慕義惟徭人尚須整理臣等身任地方自應料理
妥協是否有當伏乞
皇上睿鑒施行臣等謹會同繕摺具

奏

杖斃與斬決同一正法也既無減口銷案情弊何爲不
可卿等酌量合宜辦理仍照例具疏題奏

廣東總督臣鄂彌達謹

奏爲恭報粵東早稻收成分數仰祈

睿鑒事竊惟粵東山海奧區所種田禾收成兩次必得
雨暘時若百穀始獲豐登今春播種之時雨水俱
皆優渥早稻業已登場茲據布政使甘汝來將各
屬早稻收成分數彙報前來臣查廣州府屬清遠
花縣從化收成約九分順德香山三水增城皆八

分以上收成番禺新安新寧東莞龍門收成約八分南海新會皆七分以上收成南雄府屬保昌始興二縣雖四月蛟水稍漲核計猶有八分收成韶州府屬曲江仁化等六縣收成皆八分上下惠州府屬歸善連平等十二州縣皆八分以上收成潮州府屬海陽潮陽饒平普寧澄海鎮平六縣收成皆九分以上揭陽程鄉二縣收成俱約九分惠來大埔平遠皆八分以上收成肇慶府屬高要陽春恩平四會鶴山五縣收成皆九分開平開建收成八分以上高明德慶廣寧陽江封川皆八分收成

新興一縣計七分以上收成高州府屬茂名電白等六州縣收成皆九分上下雷州府屬海康遂溪徐聞三縣俱八分收成廉州府屬合浦欽州靈山三州縣收成皆八分以上瓊州府屬澄邁文昌感恩崖州樂會五州縣俱八分以上收成會同萬州儋州臨高昌化定安陵水七州縣收成俱七分瓊山一縣約有六分收成羅定州屬東安西寧三州縣收成俱九分連州所屬除連山係一年一熟向無早禾無憑開報外該州及陽山二州縣俱九分以上收成至各屬米價每石自六錢起以及一兩

不等今新米上市價值日平此皆由我

皇上敬

天勤民精誠感格是以邊海蒼生咸蒙樂利臣不勝踴躍
懽忭之至理合繕摺奏

聞謹

奏

覽粵東早稻收成分數曷勝欣慰臣等緣卿等忠誠任事
有以感召

天和所致朕為濱海窮黎實深慶幸

同日又

奏為遵

旨奏覆事雍正十一年五月初十日據潮州鎮總兵官
范毓琦寄到請令營兵照伊河北鎮任內各於本
藝之外兼習長鎗短棍連接棍等項一摺奉

硃批與督提商酌再定欽此臣等謹會同悉心商酌伏
查兵丁習用器械務須因地制宜始於營伍有益
粵東山海交錯陸路則峻嶺崇山林箐邃密水師
則內河外海港汊多岐與中州山陝諸省地勢平
衍者不同兵丁執用器械惟鳥鎗最為便利其次
則弓箭籐牌挑刀大礮等項先經前任督臣郝玉

麟題准陸路每兵一千設鳥鎗手五百名水師每兵一千設鳥鎗手六百名其餘弓箭藤牌挑刀大礮等項均勻酌配而礮手兵丁又令兼習扁刀以備應用此誠因地制宜有益軍務現今各營兵丁俱皆遵照設立該管將弁若能訓練精熟無論水陸遠近儘可臂指相資至范毓琦所稱長鎗連接棍等項止可用於平原曠野與粵地不甚相宜又況兵丁技藝專則易精多則難熟本藝按期操演尚難望其嫻熟再令兼習別技恐本藝反致生疎似非整練軍實良法臣等愚見以爲兵丁習用器

械仍應遵照原題定例惟責成該管將弁勤加操演如果技藝專精官則記功兵則優賞其或生疎疲弱官則嚴叅兵則責革考核公明信賞必罰人各精本藝自成強勁之師臣等謹按地方情形和衷商酌是否允協恭候

聖裁指示遵行臣謹會同廣東提臣張溥合詞具

奏伏乞

皇上睿鑒謹

奏

所奏是凡如此等條陳當諒其初任地方未諳情形而

嘉其肯言之志若稍露鄙薄詞色則阻遏言路矣極宜
留心毋忽

同日又

奏爲遵

旨奏覆事竊照廣東布政使甘汝來以粵省換貯抵帑
硫磺行匠買運過多請核定勛兩數目由督撫給
票買用等由具

奏奉

硃批言之該督撫酌定奏請欽此欽遵查得粵省各標
協營以及舖戶行匠需用磺斤向來俱由布政使

給票赴廣州府理事同知局內領買而理事同知
局貯硫磺則由撫臣給票該同知差委員役赴湖
廣等處產磺地方買運回局銷售近因原任貴州
撫臣金世揚運粵變價抵帑水銀尚餘一百三十
一石無人承買適夷商榮貽觀裝載硫磺到澳經
陞任布政使王士俊詳明將未賣水銀易換硫磺
八百石計重九萬三千二百七十四斤運交廣州
府經管凡標營行匠需用帑磺仍由布政使給票
買運收價抵帑此歷來銷磺之舊例也但由布政
使給票買運誠恐武弁玩視經過塘汛盤詰稍疎

弊端易起甘汝來

奏請核定數目由督撫給票銷運之處甚屬妥協上年十月內據甘汝來呈詳臣等業將每歲各行匠應買礮斤較數歲之中以爲常斟酌核定數目不應得核外多買通行飭知其行匠與標營買運之時俱令該管文武用印文報臣衙門核給照票行廣州府收價兌發限期繳票回銷仍通飭所屬塘汛驗票放行倘有夾帶私買情弊立拏解究較前頗爲嚴密實可永遠奉行惟查本案帑礮原係九萬三千二百七十四斤自雍正九年八月起至雍正

十一年五月止通省標營行匠陸續共銷運過六萬七千餘斤尚存礮二萬五千餘斤此項帑礮銷完之後臣等擬照買運礮斤之例先行動項委員往產礮地方買運回局標營行匠仍照例令該管文武具文報明由臣衙門給票赴局領買其由布政使給票之處永行停止如此則稽查嚴密似可杜夾帶私販之弊所有臣等酌定情由理合繕摺奏覆是否允協恭候

聖裁指示遵行臣謹會同廣東撫臣楊永斌合詞具

奏伏乞

皇上睿鑒謹

奏

粵省硝磺卽照此議辦理嗣後永著爲例

雍正十一年八月二十五日廣東總督臣鄂彌達

廣州將軍臣柏之蕃廣東提督臣張溥謹

奏爲遵

旨奏覆事雍正十一年三月十一日臣柏之蕃摺

奏標下綠旗四營兵糧缺出請將八旗壯丁與四營

餘丁相間挑補一案奉

硃批與鄂彌達張溥詳細商酌奏請欽此欽遵臣等伏

查雍正七年十一月內欽奉

上諭嗣後將軍標下綠旗兵丁缺出卽將漢軍餘丁頂

補仍食綠旗糧餉如綠旗兵丁內其祖父食糧年久

者其缺旣令漢軍頂補則伊等子弟不得食糧未免

衣食無資著於本省督撫提鎮標下并同城附近營

汛內有開除名糧卽將此等之人充補欽此欽遵仰

皇上見我兵丁墜懸軍實至意當會同若縣商酌公限

皇上睿慮周詳無微不至體恤兵丁至周極當臣等凜

遵奉行何容另議但查駐廣八旗壯丁陸續已頂

補將軍標下綠旗兵缺二百六十七名惟綠旗壯

硃批諭旨

下

九

鄂彌達

丁內多有倚靠食糧之父兄同居度日彼此相依不能遠就別營兵糧者雖人材壯健而拔補無階皇上亦屬可惜臣等仰體我皇上至意謹會同詳細商酌分別皇上軫恤兵丁整練軍實至意謹會同詳細商酌分別料理查將軍標綠旗四營共額兵三千四百六十六七名內食糧二十年以上者七百三十三名不及二十年者二千七百三十四名今議食糧二十年以上者念其效力年久所出糧缺仍准伊等子弟頂補其食糧不及二十年者遇有糧缺即將八旗壯丁挑補至於綠旗壯丁除頂補伊等食糧二十年

年以上之父兄兵缺外其餘各丁查其有父兄不能分居異爨者咨送同城之撫標及廣州協標入伍其無父母可以移居遠出者咨送附近省城之左翼鎮標入伍俱於本營四缺內以將軍標營綠旗壯丁拔補一缺如此則八旗壯丁與綠旗壯丁俱得糧餉養贍而旗營均收精健之用共沐

聖恩於無既矣是否有當恭候

皇上指示遵行臣等謹會同合詞具

奏

所議合宜如應具題具疏題請若無庸經部存案汝等

殊批諭旨

下

二十

鄂彌達

既經會奏奉有批諭卽遵照施行亦可

廣東總督臣鄂彌達廣東提督臣張溥謹

奏爲鎮臣庸惰乖張任意勒派據實奏明仰邀

睿鑒事竊照總兵一官有統率將弁訓練兵丁之責必

須勤慎嚴明正己率屬始於營伍有裨詎有左翼

鎮總兵官李萬倉者怠肆性成勒派任意操練兵

丁弗躬弗親雍正十年十一月卽聞該鎮令家人

朱大成與中軍遊擊劉世爵對坐看操臣等猶以

爲或該鎮身有疾病偶一舉行詎意該鎮視爲成

例本年四月以至七月凡遇操兵之期皆不親往

教場看閱陸兵仍令家人朱大成代操水師則令

家人鮑二代操而朱大成鮑二等亦卽恣睢自大

公然與遊擊竝坐竝行指揮叱咤守備以下動輒

辱罵聽操兵卒鞭撻妄加各營洶洶不平幾至釀

成事端又惡在城各卒衣服新舊不等勒令三營

將弁先捐銀兩交中營外委李欣榮買布另換每

疋價銀二錢八分每兵二名領布三疋做袍二件

每袍一件扣銀四錢八分八釐以至五錢三四分

不等勒限兩月內月餉扣回其餘外汛兵丁袍帽

勒令千把代製亦於月餉扣回適值五六兩月青

黃未接城汛各兵甚屬苦累又該鎮不勵廉隅好
爲結納所轄屬縣吏員李文懿不過稍有家資該
鎮遂與聯締宗譜親密往來以致兵卒訕笑更屬
非體似此卑污乖惰溺職之員海疆重地斷難姑
容貽誤臣等不敢徇隱理合據實

奏明伏乞

皇上睿鑒臣等謹合詞具

奏

李萬倉怠肆溺職知道了已有旨諭部矣

廣東總督臣鄂彌達謹

奏爲恭謝

天恩事雍正十一年七月二十五日內閣寄到雍正十
一年六月十七日奉

上諭鄂彌達之子勒世馨年齒尚幼清話尚未學習問
其漢文亦僅讀完四書所學甚淺尚須著實教導著
仍留伊父任所俟再學習三二年送京請旨爾等可
傳旨與鄂彌達欽此遵

旨寄信前來到臣本年八月初二日內閣又寄到本年
六月二十七日奉

上諭鄂彌達之子勒圖渾著往伊父任所令其用心教

殊批諭旨

下

三

鄂彌達

導朕看鄂彌達二子俱甚屬平常雖令隨任亦不能幫助伊父辦理家事爾等可寄信與鄂彌達令其加意教導務令成人欽此遵

旨寄信前來到臣聞

汝此論非也率屬之道賢者進之不肖者退之激揚取捨操縱在己至於

命之下感激涕零臣職任封疆未能教子安能率屬撫

子息限於定數有分存焉賢者固屬克家不肖者亦將驅令何往若凡愚

躬自問咎實難辭荷蒙

之質盡能教而成立則堯舜不應有丹朱商均矣此非可以力勝者惟當

皇上天恩格外矜全著臣二子俱赴任所學習伏念臣

盡人事以聽

世叨養養疊荷生成跪讀

天

而已

温綸感深懼積臣子卽識類豚魚亦應思奮縱他日克

愚矣朕觀汝二子俱屬庸品卽勉為中才尚恐未能試

效涓埃難酬罔極豈容仍前怠棄自蹈冥頑臣益

若能思奮非凡

加意訓導看當仰體

聖主洪慈加意教導務令成人以圖報

皇恩於萬一所有感激微忱理合繕摺

奏謝謹

奏

覽

雍正十一年十月初四日廣東總督臣鄂彌達謹

奏竊照粵東惠潮二府民人歷年俱有往來廣西四

川二省及挈眷前往彼地入籍居住者而上年冬

間為甚臣據報業於本年正月委員前往入川及

入粵西要路稽查竝飭各該縣查造遷民清冊咨
明兩省撫臣行查經於本年三月十二五月初十
等日

奏明在案猶恐各縣仍有無業貧民復思出境隨諭
各州縣多方曉諭凡素無恒產者令其自行報明
給貲送至恩平開平等處耕種更於入川要路如
惠州之和平連平龍川韶州之樂昌仁化各縣多
張告示稽查招徠兼預發公項銀兩存貯各縣遇
有入川民人支給資送來省分發墾荒據各該縣
報稱自五月以至七月竝無入川民人經過茲於

八月二十九月初一等日據龍川長樂二縣稟稱
有入川民人一起三百餘人結夥同行該縣親往
勸諭各衆啼哭叫號共稱皆有祖父兄弟在川前
往團聚俱不肯回雖給以路費船隻俱不肯受該
縣以彼等非同罪犯不便過嚴只得聽其前往止
勸回十一人等語各到臣細加確訪查得此項民
人原非盡係無業貧民止因雍正五年以前粵東
民人入川成家者甚衆皆時有信息往來回粵接
取親屬前往完聚又有棍徒聳動引誘從中覓利
包攬引路送入入川揚言川省膏腴每田種一石

可收穀百餘石百物俱賤易於資生以致愚民垂涎賣棄現在產業挾貲而行雖多方曉示給以房屋居住田土墾耕無如彼等惑於川省逸樂之說不願本省墾荒又恐散行勸阻竟寫傳單會衆同行查粵東現在早稻收成甚屬豐稔雖米穀最貴之州縣每石時價不過一兩晚稻茂秀盛於早稻民間日用原無艱苦而愚民易惑難曉猶復輕去其鄉臣據報除委員攜帶公費銀兩前往招徠如願回籍者給貲送至開平墾荒其實有父兄在川不肯回者委員給照護送往川省查明安

插一面再行出示密諭各州縣查明無產業者卽資送至省給貲安插竝預委糧驛道陶正中於有可墾荒地處所多造屋宇便民居住一面仍將引誘棍徒密行查拏外理合據實

奏明伏乞

皇上睿鑒謹

奏

民不懷土輕棄故鄉此惡風也當竭力挽回毋使任意

流蕩

奏同日又

殊批諭旨

下

五

鄂爾達

奏爲恭繳

硃批原摺事竊臣會同提臣張溥議覆潮州鎮總兵官
范毓琦條陳兵丁令於本藝之外兼習別樣器械
不便定爲章程一摺奉有

硃批仰見我

皇上明日達聰芻蕘必採臣等荷蒙

聖訓諄切誥誡嗣後益當虛懷集益不敢稍露鄙薄詞
色以仰副

皇上廣開言路之盛心所有奉到

硃批原摺理合恭繳謹

奏

實能如此存心始克稱集思廣益也

雍正十一年十一月十五日廣東總督臣鄂彌達

廣東巡撫臣楊永斌謹

奏爲勞臣遺澤在人願懇破格加

恩以酬懋績以愜輿情事竊查有原任粵東撫臣王來
任者念切民瘼澤入人心距今六十餘年老幼謳
思常如昔日准等泣粵以來濱海耆民屢經環轅

攀輿顛

題加封祇因王來任曾因

硃批諭旨

下

三

鄂彌達

京察自陳罷免從前歷任督撫俱以與例不符致下情未能

上達臣等伏查王來任於康熙四年莅任粵東兵燹甫靖民困未蘇又平靖兩藩軍興供億徵派浩繁每歲虛糜國帑二百四十餘萬復因海氛未靖議者特嚴邊界濱海五十里禁民毋得居住往來頻年轉徙一遷再遷蕩廬舍爲平原棄膏腴爲荆莽採捕者謀生無策煎曬者度日無資縮地移民因噎廢食王來任甫及下車疏除六害周詳剴切俱蒙

聖祖仁皇帝俞允其卓卓可述者開數萬頃良田而流民安集裁百餘萬兵餉而

國課充盈汰雜派以恤民財而正供無缺革夫役以恩宥紓民力而南畝有秋嚴扳誣而善良安枕禁抽剝而市鎮寧居諸如消弭反側善政多端迨康熙七

皇年間王來任病篤垂危遺疏展界蒙

聖祖仁皇帝恩准弛禁哀鴻初定共慶再生凋瘵之餘羣登衽席宜其流澤綿長環海尸祝也及病卒之日白叟黃童環轅號泣家懸遺像戶供名牌愛敬之誠久而愈篤茲復據各府州縣紛紛呈詳前來臣

等查王來任籍隸奉天其子孫之貴賤有無俱已
無從稽訪而粵中耆老匍匐再三仰希

綸誥之褒揚冀顯勞臣之功績民情如此益信直道不
泯廉吏可為伏念我

皇上崇德報功凡大吏實心愛民勤勞為

國俱得入賢良祠以昭

恩眷若王來任興利除害輿論僉同布德當年邀榮此

日似應懇

恩優卹復職加封崇祀賢良以慰輿情以旌功德者也
緣王來任曾經自陳罷免不便冒昧具

題可否不拘成例格外

褒崇併應否另行

題請之處伏乞

皇上批示遵行臣等謹合詞具

奏

具疏題請可也

奏為恭懇

聖恩准留鹽場效力事竊照原任肇慶府通判朱瀚經
前撫臣傅泰借補惠州府屬歸善縣知縣嗣於雍

正八年到任後見該員才非肆應歸善爲惠州附
郭首邑恐難以勝任隨將該員調補瓊州府會同
縣給咨送部引

見該員於上年三月回至粵省正擬到任接准部咨以
該員歸善縣任內失察賭具例議革職隨經臣等
援例

題請留粵以知縣以下酌量委用蒙

恩俞允續又因該員歸善縣任內先有失察陳理等誣
良爲盜一案本年八月復准部咨革職在案查該
員才具雖非敏幹居官猶無劣蹟兩次叅革俱屬

因公呈誤且年力尚強堪供驅策臣查粵東鹽場
法在在需員料理從前效力各員俱經陸續期滿現
在需員接管朱瀚勤謹小心在粵年久風土熟悉
料理鹽場事務尚可勝任仰懇

聖恩准其在場效力三年之後如果實心報效另行具
題請

旨開復彼斥革廢員復蒙

天恩留粵委用自必愈加感奮矣爲此繕摺

奏明仰邀

皇上睿鑒倘蒙

殊批諭旨

下

五

鄂彌達

聖恩俞允伏乞

敕部查照施行臣等謹合詞具

奏

據奏朱瀚原係調簡之員復經兩案革職其庸常可知
況鹽場事務弊竇多端必精明強幹方能搜剔豈勤謹
小心四字所能勝任朕意以爲此舉無益汝其再加斟
酌

廣東總督臣鄂彌達謹

奏爲恭報粵東晚稻收成分數仰祈

睿鑒事竊照粵東地方仰賴

皇上洪仁雨暘時若目今晚稻業已登場萬民樂業四

野歡騰茲據布政使甘汝來將各屬晚稻收成分

數彙報前來臣查廣州府屬南海番禺東莞順德

新會香山清遠花縣收成俱九分龍門增城新安

新寧三水收成俱八分從化縣計有十分收成南

雄府屬保昌始興二縣收成俱九分以上韶州府

屬曲江仁化二縣收成俱七分樂昌乳源英德翁

源四縣皆八分以上收成惠州府屬歸善博羅海

豐陸豐河源龍川和平連平永安長寧等十州縣

俱八分以上收成潮州府屬海陽潮陽揭陽饒平

普寧澄海大埔惠來等州縣俱九分收成肇慶府屬德慶高要開平恩平廣寧四會鶴山收成俱九分高明縣收成約七分新興陽春陽江封川開建俱有八分收成高州府屬茂名信宜化州石城收成皆九分電白縣計有十分收成吳川縣約有八分收成雷州府屬海康遂溪徐聞三縣均有九分收成廉州府屬合浦欽州靈山三州縣收成俱九分以上瓊州府屬瓊山澄邁儋州臨高會同樂會崖州陵水萬州安定文昌感恩昌化等州縣俱八分以上收成嘉應州平遠鎮平收成俱九分興寧

長樂約八分以上收成羅定州計有九分收成東安西寧二縣收成皆九分以上連州收成約有八分以上陽山連山二縣均有九分收成至各屬米價每石自五錢八分以至一兩不等今新米上市價值日平皆由我

皇上敬

天勤民精誠感格是以海隅蒼生成蒙樂利臣不勝踴躍
聞伏乞
權忭之至理合繕摺奏

皇上睿鑒謹

硃批諭旨

下

三

鄂彌達

奏

晚稻收成分數米糧價值情形以手加額覽焉凡此莫非卿等公忠任事能令盜息姦消民情暢遂有以感召天和之所致比年以來粵東歲豐米賤實爲向日所罕聞者際此休徵當愈加寅畏更勉公忠不可稍萌盈滿恣肆之念也戒之敬之

雍正十一年十二月初四日廣東總督臣鄂彌達

廣東巡撫臣楊永斌謹

奏爲遵

旨奏覆事竊照廣東布政司甘汝來以瓊州府屬距省

遙遠各營兵餉請就近撥交海南道員收支等由具

奏奉

上諭布政司衙門爲一省錢糧總匯各營兵餉俱應由司庫給發若圖省便就近支領將來必滋弊端此乃必不可行者惟是廣東瓊州去省一千六七百里且往來渡海與內地不同似應變通辦理著甘汝來將伊所奏及朕此旨與督撫閱看悉心定議具奏欽此

欽遵仰見我

皇上睿慮周詳杜弊防微之至意伏查瓊州距省甚遠

硃批諭旨

下

三

鄂彌達

又復隔海各營夏秋冬三季兵餉向來原係將該府各屬地丁就近撥給由瓊州府知府支放止緣撥給不敷是以春季仍赴司庫支領業於雍正九年經前督臣郝玉麟會同臣鄂彌達題明准部議覆遵行在案今據甘汝來奏請嗣後每年由布政司衙門撥定各州縣地丁數目改交海門道衙門收支按季散給每年銷算兵馬錢糧之時由該道造冊移付布政司報銷其瓊屬每年地丁不敷支給之數查粵省海關經收海口稅銀每年不下三萬餘兩可以就近撥兌充支

等語臣等悉心商酌瓊州歷年兵餉夏秋冬三季原撥該府地丁就近支給惟春季仍行赴省領支甘汝來議請交海南道員收放不敷銀兩以海關稅銀兌支既免遠涉風濤不虞遲誤兼有道員經理無慮侵那所議尚屬妥協應如所請變通辦理將向來夏秋冬三季兵餉由該知府支給者今統歸該道收放以專責成至每年銷算屆期該道仍冊送藩司滙總彙報其各州縣解交道庫之時并奉令造冊報明藩司存案臣等仰承聖謨因地制宜事屬可行理合

奏覆再查

奏銷仍由藩司彙報於定例原無更張應否止將緣

由咨部存案無庸另行定例之處伏乞

皇上批示遵行謹合詞具

奏

瓊州各營兵餉照所議行其兌支收放等務應具題者具疏題請應咨部者咨部存案

同日又

奏爲據情奏明仰祈

聖鑒事據原任肇慶府知府楊以寧呈稱以寧由舉人

開選授四川溫江縣知縣雍正二年出口管理又木

多糧務雍正四年引

見奉

旨以廣東緊要知府缺用雍正六年補授肇慶府知府

因前署羅定州任內經手倉穀未清被叅又因阿

附阿克敦擬斬監候待罪囹圄已經六載本年秋

審荷蒙

皇上天恩改列可矜減等發落此後犬馬餘生皆賴

聖恩再造自揣年力未衰冀圖報效情願帶子捐職州

同楊錡前赴軍前效力贖罪伏乞

硃批諭旨

下

三

鄂彌達

題達等情到臣等據此隨查楊以寧於雍正二年出口管理糧務與前督臣郝玉麟同在又木多地方共事數載郝玉麟曾向臣等言及楊以寧辦理軍需尚屬妥協今幸蒙

聖恩已將楊以寧從寬減等臣等查楊以寧才具可用年力未衰且曾在軍前數載諳練邊情與其安插為民置之閒散不如令其效力圖報

國恩今據楊以寧情願帶子前往軍前情詞懇切臣等謹據情奏

聞可否送部引

見命往軍前效力贖罪伏乞
皇上批示遵行臣等謹合詞具

奏

已有旨諭部矣

同日又

奏為人才難得據情奏

聞仰祈

睿鑒事雍正十年四月內據原任廣東按察使黃文燁

詳稱據原任海豐縣知縣王者輔呈請願赴軍前

效力仰報

殊批諭旨

下

呈

鄂彌達

聖恩等情經行惠州府查議去後隨據惠州府知府吳簡民覆稱查得原任海豐令王者輔任事時操守潔清辦事敏決盜賊屏跡塵案俱清海豐士民至今愛戴以故其應賠銀一千三百餘兩皆百姓爭先代納其致罪事由實緣雍正五六兩年粵東州縣尚未議給養廉一切公捐又皆派於州縣該令火耗稅契照舊徵收俱屬辦公非同入己有案可查今該令因賠項已清得邀減等感激

聖恩願赴軍前效力雖無成例可援但該令年力強壯辦事精明實屬有用之才相應俯如所請轉懇

題達等情到司轉詳到臣等據此查該令在粵居官實心任事聲名甚好臣雍正八年初到粵東卽已訪聞臣署向無幕客因於上年五月內將王者輔傳入署中令其料理一切事務細加觀察今試看已將二載實屬人品端方辦事敏練且於粵省情形以及營伍鹽政均能熟悉似此有用之才廢棄殊屬可惜臣仰體

皇上愛惜人才寸長必錄之至意謹繕摺據實奏聞可否將王者輔送部引

見恭候

硃批諭旨

下

臣

鄂彌達

皇上批示遵行再查該令係江南天長縣人由生員保舉於雍正五年三月內引

見奉

旨王者輔著補授海豐縣知縣人甚去得著行知該督撫欽此嗣因與惠州府知府張象乾互揭并叅治罪贓完減徒於雍正九年到省城五仙驛已將滿限合并聲明臣謹會同撫臣楊永斌合詞具

奏

備敘願赴軍前效力情詞具疏題請同楊以寧一併送部引見

雍正十二年二月初四日廣東總督臣鄂彌達廣

奏東巡撫臣楊永斌謹

奏爲奏明事雍正十一年八月二十八日內閣寄到

四川督臣黃廷桂撫臣憲德會

奏裁汰勇健兵丁簡居仁假冒外委把總職銜一摺

奉

旨黃廷桂憲德奏摺可鈔錄寄與各省督撫閱看著留備心訪察若勇健營裁汰回籍之兵丁有生事不法及假冒職銜者著地方官嚴拏遵照前旨從重治罪不許寬貸欽此鈔寄到臣等准此遵查粵東原選送勇

健兵丁七十名在京挑退五名在陝挑汰二十一
名俱已陸續回粵當經飭令回籍安業在案茲奉
諭旨著臣等留心訪察遵卽密查去後隨據各該地方
官覆稱現在汰回兵丁俱各守分安業竝無假冒
職銜亦無生事不法除密諭各該地方官仍不時
加意訪查無得徇縱外理合繕摺奏

聞伏祈

皇上睿鑒臣等謹合詞具

奏

此輩行止率多不端須加意訪察毋忽汝等於從前選

送時糜費過當咎已難辭若再失於徇縱則不知汝等
具何面皮而不愧報也

同日又

奏爲奏

聞事竊照粵東地處海濱颶風時作然或旋發旋止是
以民間不致漂搖茲於雍正十一年九月十四日
據高州府詳報本年八月二十一夜吳川縣地方
颶風陡作大雨如注潮水湧漲兵民房屋倒塌者
一百四十三戶其尚堪修葺者六百五十八戶吹
去上蓋者一百一十八戶商漁船漂沒者一十七

隻其擊破尚堪修理者九隻淹斃男婦二百三十
一名口災傷田禾四頃八十四畝又石城縣地方
飄失漁船三隻飄沒水手三名又據雷州府詳報
遂溪縣地方八月二十一夜颶風陡發倒塌民房
三十九戶其坍塌尚堪修葺者二百一十六戶吹
去上蓋者五十三戶商漁船飄沒者八隻其擊破
尚堪修理者二十八隻淹壓身死男婦八十二名
口又海康縣地方擊壞漁船六隻淹斃水手二名
嗣又據護理高雷廉鎮總兵印務姚源忠呈報電
白吳川碙洲海安各營寨礮臺戰船多有損壞各

到臣隨即飛委高雷廉道毛世榮會同各該府攜
帶存公銀兩星往被風各縣賑恤去後嗣據該道
呈報遵卽親詣各處分別賑給查沿海居民房屋
被風損壞者皆係草房全塌者每戶給銀一兩其
尚堪修葺者每戶給銀五錢吹去上蓋者每戶給
錢三百文修理已經足用至田禾被傷者每畝給
銀一錢商漁船全壞者每隻給銀三兩其尚堪修
補者每隻給銀一兩五錢淹斃男婦每名口發銀
四兩給各親屬以資殯葬實共賑恤銀一千三百
七十三兩零按戶支給俱各得所至損壞礮臺等

項俱經飛飭該管文武勘估動項修理各在案嗣於十月二十二日又據瓊州鎮臣李順呈報本年九月十八二十三等日瓊屬地方颶風驟雨各協營寨城垣塚口礮臺營房煙墩望樓多有損壞又北洋地方有商船被風飄流抵岸飄失水手三名等因到臣隨飛檄瓊州府確查詳報併照高雷一例賑恤去後嗣據該府報稱查得被風擊碎商漁船二十八隻擊損船二十一隻淹斃九人其生存難民皆已捐給口糧遞送回籍所費無多無庸動支公項田禾仍有八分以上收成其營房等項現

在估計請領藩庫公項修理等由到臣據此除行回加意撫恤無使一夫失所致屢

聖懷併刻期鳩工速將營房等項修整具報外所有高雷瓊三府前後被風情形及臣等委員賑恤緣由奏理合繕摺奏

聞伏乞

皇上睿鑒臣等謹合詞具

奏

粵東近年以來颶風頗甚汝等當體究致災之由講求消弭之道抑或建立

風神祠修省籲禱仰邀

神明佑庇永息狂飈惠此下民然非國之常典作汝等意見從俗賽祀庶幾合宜

雍正十二年二月十九日廣東總督臣鄂彌達廣

東巡撫臣楊永斌謹

奏爲奏

聞事本年正月初十日據潮州府普寧縣稟稱上年封
聖廟印後訪有揭陽縣人陳武瑞散符惑衆當卽拏獲
到案搜出紙符四十五張符上鈐蓋木印有天圓
泰寶字樣除現在密拏黨羽訊究外理合稟明等

因連繳紙符到臣等隨卽密行潮州鎮潮州府確
查夥黨母任匪徒免脫無辜牽累并星飛會委臣
標把總黃雲龍增城縣巡檢張中立前往協同地
方官嚴查密訪有無謀爲不法情事去後續據該
鎮府先後稟報案內匪首匪黨實共二十三人俱
已陸續全獲緣有海陽縣人王阿童欲打劫棉湖
寨富戶製造紙符布旗詭云符可護身旗可召鬼
騙人入夥經給陳阿吉紙符五十張又給甘阿繪
紙符五十張小布旗一十二塊嗣陳阿吉領符入
手卽交陳武瑞轉散其甘阿繪所領符旗尚未散

給俱於店主詹祥宜家搜出訊據領符之吳阿聘
羅義和陳阿四等各供吐不諱其所造木印訊據
王阿童供稱寄藏在老婦董孝孀家當經起出小
木板一塊與符上木印驗對相符等因到臣等據
此查陳武瑞散符一案據該府縣訊據王阿童自
認爲首製造符旗歷歷不諱各犯亦供證僉同細
驗其紙符點畫狀類巫師邪術符上木印亦與道
士木刻印記相似其所造布旗編立號數潦草不
堪明係無賴棍徒歲暮無依倡謀搶劫其領符各
犯有實係同夥知情者亦有無知鄉愚惑於邪教

一時誤受者今匪首匪黨俱經全獲除一面提犯
來省確訊實情分別情罪輕重歸結外所有散符

惑衆及拏獲人犯緣由理合先行奏

聞并將繳到符旗進呈

御覽等謹合詞具

此案匪犯雖無謀爲不軌形跡然擅敢製造符旗邀結
夥黨希圖搶劫富戶其情亦甚屬可惡起意創謀及實
係入夥者自當分別首從嚴懲示儆毋俾疎漏至於無
知被惑鄉愚情有可原者應予從寬歸結須加意斟酌

辦理庶不致輕重失宜

廣東總督臣鄂彌達謹

奏爲奏

聞事竊照粵東地方仰賴

皇上福庇雨暘時若屢登大有臣於上年冬底巡視肇慶各屬雨澤優渥二麥豐茂現今陸續收穫入春以來雨水霑足早稻漸次栽蒔仰荷

皇上至誠感召將來豐稔可期近據所屬報稱米價俱平自六錢以至一兩一二錢不等油菜園蔬俱皆茂盛恐厘

聖懷謹繕摺奏

聞伏乞

皇上睿鑒謹

奏

覽粵東雨澤麥禾情形及米糧價值朕懷曷勝欣慰

雍正十二年三月初一日廣東總督臣鄂彌達謹奏爲恭進礮位事竊臣於雍正十一年五月內恭進九節大礮一位敬呈

御覽隨於九月內准辦理軍機處大學士伯臣鄂爾泰鈔發一件爲遵

硃批諭旨

下

四三

鄂彌達

旨議奏事令臣將九節銅礮如式製造七位卽送來京
一併轉送軍營并令臣再照造二十位陸續運送
來京備用等因到臣當卽遴匠選料如式製造業
於本年二月初十日造成八位解送至京具摺奏
聞臣隨卽趕緊接造現在又造成十位俱經試放驗看
均屬穩妥謹將現造銅礮十位并礮子五百箇解
送備用其餘十位亦已鑄造將成容卽隨後齎送
理合繕摺奏

聞伏乞

皇上睿鑒謹

奏

據奏解送銅礮十位到京知道了甚好

雍正十二年四月初八日廣東總督臣鄂彌達廣
東巡撫臣楊永斌謹

奏爲要地需員酌請調補以收實效事竊查州縣一
官必得人地相宜庶不致貽誤地方茲有肇慶府
屬之新興縣崇山峻嶺巖谷深邃所屬瓮洞等處
向爲盜賊潛藏之藪甚是險隘目今地方雖屬安
靜然必防範周密預爲留心稽查使宵小無所托
足方不致將來有養姦之患又地當高雷等府孔

道遞解人犯護送錢糧絡繹不絕實係衝要之區
現任知縣許湜到任半載雖屬小心謹慎而才識
短淺不克勝任恐致貽誤地方臣等查有高明縣
知縣胡國楷者熟悉地方情形辦事老成練達以
之調補新興縣缺實爲人地相宜其高明縣地方
亦有基圍要務必得諳練風土之員方克勝任查
有檢發試用之喬德徵心地明白辦事誠實今試
用二年期滿請卽以之實授高明縣則該員必益
加奮勉矣至許湜才具雖屬中平尚知謹飭自愛
應俟有簡僻小縣缺出另行

題補查新興等縣均非題補之缺但臣等仰體
皇上慎重地方量材酌用之意爲此繕摺
奏請可否具

題伏乞

皇上批示遵行等謹合詞具

奏

將各員缺情節備悉聲明具疏題請

同日又

皇奏爲謹籌要地倉貯以備民食事竊照粵東瀕海倚
山全資積貯而各府之中惟東路潮州西路瓊州

其儲緩備急之策有不可不亟講者謹爲
皇上陳之潮州居粵東偏距省城千有餘里南枕大海
東接閩疆人烟稠集山多田少本處穀石除供居
民食用尚有閩之漳州每歲來潮告糴在小民只
本圖目前之利既不預備蓋藏而閩粵均係

朝廷赤子又未便禁遏兼有附近之南澳碣石兩鎮亦
賑時赴潮輓輸倘收成稍歉其勢遂不可支雍正四
年五年間潮郡偶歉石米竟至三四兩不等總緣地
處極東卽欲仰給西路而海運則風信靡常不能
計日接濟河運則山谿多阻勢難久待此潮郡民

食宜爲籌畫也瓊州遠隔外洋爲全粵屏藩重地
鎮協營寨碁置星羅生齒殷繁商民雲集該地民
食每賴高雷兩郡輓粟接濟惟是本地歲產穀石
旣不敷一歲之需而年景之豐歉難憑米價之低
昂無定倘商販罕到轉輸不及一時騰涌實屬窘
迫堪虞此瓊郡民食宜爲籌畫也臣等再四思維
竊謂潮州一郡應於潮屬之潮陽揭陽海陽三縣
建倉貯積臣等請借支太平關稅銀五萬兩發二
萬兩交該地方官於秋收後就近陸續購買再將
二萬兩委員赴西省採買仰懇

皇上敕下西撫臣轉飭地方官協同陸續購足運回東省存貯查廣潮相距遙遠向來鹽貨各船自廣抵潮俱由虎頭門港口出走洋皮地方至神泉港入惠來縣徑達潮陽揭陽海陽臣等擬以販到西穀暫儲西南倉內俟秋冬風信順利陸續撥運甚爲穩便計支銀五萬兩除去前項尚餘銀一萬兩合算建倉脚費餘銀仍酌量買穀共可貯穀近十萬石查由潮邑至揭邑由揭邑至潮州均係一水直達如有急需之處可以及時撥運穀價不致騰昂此潮郡積貯之不可不豫也其瓊州一郡則應於

開雷州之徐聞縣建倉貯積臣等查向來高雷米穀奏本運糶於瓊郡瓊郡民食專待給於高雷第該府孤懸海島兵民稠集而惟寄性命於賈客之手甚非長策查由雷達瓊道經徐聞縣至海安所渡海奏自徐聞到海安不過二十里許臣等請借支關稅銀三萬兩交高雷所屬地方官陸續收買穀石卽皇於徐聞縣城建倉存貯除去工料脚費計可貯穀六七萬石以備瓊州緩急之需則搬運不難可以刻期接應而海上人民不憂艱食此瓊郡積貯之不可不豫也以上潮瓊兩府借支銀兩分十年扣

還其倉廩交與地方官料理每年收買發糶以該
府同知爲專管之官如蒙

聖恩俞允所有一應事宜臣等卽另疏具

題伏乞

皇上批示遵行臣等謹合詞具

奏

儲積米穀原爲濟民要務具疏題請候朕裁酌

廣東總督臣鄂彌達謹

奏爲奏

聞事竊照粵東荷蒙

聖主福庇連歲豐登臣於上年冬底巡視肇慶各屬雨

澤調勻二麥豐茂入春以來陸續收穫早稻漸次

栽蒔經於本年二月內奏

聞在案茲續據廣韶惠潮等府先後稟報二麥收成俱

約有八分九分十分不等甚屬豐稔昨於清明日

大雨兩晝夜耕藉前一日大雨一晝夜現今雨水

霑足秧苗茂盛米價自五錢六分至一兩一錢不

奏等四民樂業皆我

皇上至誠感召之所致也臣恐厪

聖懷謹繕摺奏

硃批諭旨

下

鄂

鄂彌達

聞伏乞 諭 旨 奏

皇上睿鑒謹

奏 著 四 另 樂 著 旨 先

粵東五麥豐收雨水充足及稻茂米賤各情形朕以手
加額覽之兩書交時出諭一日大雨一書交與今雨未

同日又

奏為請定巡鹽專弁以清私販事竊照疏引辦課莫
如緝私而緝私非有專員私梟究不能杜向來積
慣梟徒窩固販賣頑貪性成弁役盤拏公然抗拒
聖主此輩今日敢為鹽梟他日即可為巨盜為匪作姦

勢將無所不至前經於東西兩路遴選委員弁帶役
緝拏邇來官引頗能疏通積梟漸次斂跡惟是粵
省鹽務頭緒紛繁如福建長汀一埠帑課繁重該
地界連七邑漳私透越其連城之張元山上杭之
白蓮塘弔鐘巖歷為漳私總匯又江西之寧都等
埠俱為閩鹽走漏之區各處辦帑人員耳目難周
且地方遼濶寥寥數名巡丁不能寸寸把守其該
地官弁雖有盤查之責然文職各有專司武弁難
離汛地名為一體盤查實則勢難兼顧屢據長汀
縣及各委員稟稱堵緝乏人請設專弁專以事關

隔省未便徑設員役而官引壅滯實多掣肘伏查
浙江前督臣李衛請設巡鹽千總仰荷
皇上俞允臣之愚見請於福建之長汀江西之寧都各
派設巡鹽千總一員帶役五十名於各該埠地分
遣巡緝以杜私鬻之源庶汀幣寧幣可以及時清
理如蒙

恩准所有巡鹽千總無庸另行增設卽於現任千把內
擇其謹慎諳練者酌量派用其巡役工食卽於羨
銀支銷若私鹽杜絕場羨充裕就中撥給甚爲兩
便如此則責成旣專堵擒必力於離政民風均有

裨益臣謹繕摺具

奏伏祈

皇上睿鑒施行謹

奏

該部議奏

雍正十二年五月初四日廣東總督臣鄂彌達謹

奏爲

奏報開墾田畝安插人民事臣莅粵數載仰體

聖主鄭重民食之至意經委糧驛道陶正中勘丈廣肇

二府荒地招集窮民酌動存公墾荒銀兩給發墾

種編甲安插限年陞科復檄行高雷等府一體清查踏勘招墾又韶州府屬徭山一帶荒地亦多并委廣南韶連道馮元方親詣查明督令徭人開墾俱經臣先後奏

聞在案茲據各道府呈報開墾畝數前來查糧驛道陶正中督率番禺等縣共墾荒地二十一萬零一百三十餘畝共安佃七千零三十名內安插欲往川之民人七百三十名又雷州府知府王鐸督率遂溪等縣陸續共墾稅田六萬二千九百餘畝共計安插高雷貧民二千五百餘戶又廣南韶連道馮

元方督率理徭通判楊國棟勸墾韶州府屬徭山田地共八百七十餘畝共安插徭人四百一十九戶臣伏思粵東民食屢厯

聖懷臣稟遵

上諭不時勸墾各該道府身先倡率頗著勤勞各縣亦能實力奉行躬親勘丈從此野無曠土南畝有秋無業窮黎資生有策庶可少慰

皇上軫念元元之盛心所有各屬現墾畝數安插人民緣由理合繕摺奏

聞伏祈

硃批諭旨

下

至

鄂彌達

聖鑒謹

奏

督勸有方可嘉之至能如是闢土惠民庶不負封疆重寄也劬爲之

同日又

奏爲奏

聞事雍正十一年八月內據欽州知州徐志培報稱有龍門協營弁兵解到飄風鬼子小船一隻男婦大小共三十四名口訊據船戶西利供係東波蔗孤綿國人前往暹丹貿易行至東京海面被風擊破

大船扒過小船逃生因西南風飄到

天朝這裏求把小的們送到省城遇有便船附搭回國等情理合稟報并將難番男婦給與口糧護送至省等因據此臣仰體

皇上懷柔遠人中外一家之至意當卽飭令布政司加意撫恤毋致失所俟有便船附搭回國去後茲據該司詳稱難番男婦人口俱經給發口糧養贍現據船戶西利等稟稱有船商黃合興莫弘源二船前往安南港口貿易甚屬便道懇准搭回等情隨飭將難番三十四名口計算歸程給予口糧宣布

聖主恩賞分搭二船回國各番俱皆歡忭叩謝所有難
番歸國緣由相應奏

聞謹

奏

飄溺之患最爲危險憫惻之懷何分中外亟應加意撫
恤者

雍正十二年六月十一日廣東總督臣鄂彌達謹

奏爲恭報粵東早稻分數仰祈

睿鑒事竊照粵東地方仰荷

聖主福庇雨暘時若連歲豐收本年春間雨澤霑足時

插及時日今早稻登場萬民樂業四野歡騰茲據
布政使甘汝來將各屬收成分數彙報前來臣查
廣南韶惠潮肇高雷廉瓊等十府羅定嘉應連州
等三州各所屬收成俱有十分九分八分不等其
米價自五錢起以至一兩一錢不等今新米上市
價值日平此皆由我

皇上念切民依精誠感召是以邊海蒼生咸歌樂利謹
將各處收成早稻分數另繕清單恭呈

御覽外理合繕摺奏

聞謹

奏

覽早稻分數米糧價值深為粵民額慶

同日又

奏為

奏明事臣於本年三月內訪有龍門協革職守備何大武潛往交趾江萍地方鬻販交鹽營私滋擾及右江道出示嚴禁又勾通交趾之人公然扯去臣因江萍一帶為中外要隘即密飭欽州文武員弁訪緝去後茲於五月內據欽州遊擊丁銓生拏獲押解前來訊據供稱於雍正十一年內往江萍販

賣交鹽歷歷不諱查律載私越緣邊關塞杖一百徒三年何大武曾任守備理應奉法惟謹乃敢逃匿夷境網利販私情罪尤屬可惡若不嚴加創懲不獨透漏交私於粵省鹽政大有妨礙且恐將來滋生事端貽害匪淺請將何大武竄斥遠方以杜夙奉姦竇庶使姦匪寒心而邊境獲寧矣伏祈睿鑒施行謹

奏

所奏甚是應發遣黑龍江以示懲戒

雍正十二年七月二十六日廣東總督臣鄂彌達

硃批諭旨

下

岳

鄂彌達

謹

奏爲恭謝

天恩事竊臣保送原任廣東海豐縣知縣王者輔軍前效力經部臣帶領引

見奉

旨王者輔著命往陝西交與總督劉於義差委效力數年之後該督將伊有無勞績效力如何之處出具考語給咨送部請旨王者輔係因公科斂革職擬斬之員續以贓銀限內全完減等擬徒結案該員縱才有可觀而其品行之不端操守之不固顯然可見今鄂

彌達出具人品端方考語甚屬不合著嚴飭行欽此

臣伏讀之下不勝悚惶緣臣到粵之日訪聞該員

居官聲名尚好隨經傳入署內見其人尚樸直令其料理一切事務頗屬敏練是以臣出具考語保送不覺言之失當冒昧之罪夫復何辭荷蒙

聖恩高厚不行交部治罪

訓飭成全感懼實深嗣後惟有稟遵

聖訓力贖前愆於萬一所有感激微忱理合

奏謝伏祈

睿鑒謹

硃批諭旨

下

璽

鄂彌達

奏

身膺封疆要任當遠大是務不宜見識淺狹公私界限
祇在幾微念慮之間一涉瞻徇即為負國溺職重則貽
累功名事業輕亦難免物議於高臺無裨益無如燭理
不明者比比皆然每爭趨些少光榮以圖目前快志遂
置日後無限悔吝於不計也此論亦使論者兩觀之
雍正十二年十月初八日廣東總督鄂彌達廣
東巡撫臣楊永斌謹將人等所具其人尚對直合
奏為奏

聞事竊照潮州一郡逼處海洋當春夏南風盛發恐有

不法姦民走險為匪臣等屢經密諭該地文武嚴
查隨據惠來縣知縣裘日菊等稟報訪有姦民方
進安等於本年三月內夥同出海等情當即飛飭
沿海文武確探嚴拏去後嗣據瓊州鎮臣李順報
稱據福建船戶陳長茂稟稱四月十四日船至電
白放雞洋面被白艚賊船劫去銀物認識賊船寫
有永成字樣現泊海口等情隨拏到船戶黃永成
供係福建龍溪縣人駕白艚船來瓊貿易四月十
二日在上下川洋面被盜劫坐賊夥約十餘人多
係潮州聲音十四日又劫商船一隻至二十九日

硃批諭旨

下

奏

鄂彌達

駛至惠來地方各盜登岸始放今纔到瓊等由臣
等隨卽密諭潮守竝密飭各屬作速嚴拏去後據
報陸續拏獲盜首方進安林廷輝盜夥陳阿抱楊
陳寶等共十五名解省訊據供稱同夥二十九人
於三月二十六日從惠來靖海駕船出口二十七
日在外洋搶奪魚船一隻換坐二十九日至甲子
洋奪坐殼船一隻將魚船放回四月初三日劫福
建客船一隻搶銀一百二十兩衣服十餘件那客
人不知甚麼姓名因他船行駛甚遲放他去了仍
坐原船四月初八日到放雞洋面劫福建船船一

隻搶銀一百三十兩衣服二十餘件衆人就換坐
船船那客人也不知甚麼姓名十二日在下川尾
洋面劫福建客船一隻搶銀四百八十餘兩夏布
十二桶衣物百餘件衆人就換坐這大船就是如
今這黃永成的船十四日又劫福建客船一隻搶
銀七十餘兩衣物百餘件那時也不知客人姓名
如今纔知是陳長茂衆人仍坐原船於四月二十
九日夜駛回惠來溪登岸分散等情查各案俱未
據事主具報臣等訪聞密拏嗣據船戶陳長茂赴
瓊鎮稟報始喚到船戶黃永成一併質認其各犯

於四月初三初八劫過之福建客船既無事主具報各犯堅供不知姓名現在移咨福建確查俟查覆到日再行研訊至案內洋盜一十九人已將盜首拏獲并獲夥盜共一十五人內許阿序一名下水淹斃尚有餘黨三人未獲現在勒緝另獲究擬并將各犯所供劫過不知姓名之客船移咨閩省確查其疎防各文武查明另參外所有拏獲洋盜緣由謹先行奏

聞伏祈

聖鑒臣等謹合詞具

奏

據奏則朕日前所聞可謂不謬矣將疎防員弁查明嚴參毋得稍涉徇縱

雍正十二年十一月十二日廣東總督臣鄂彌達

謹

奏為恭報粵東秋成分數仰祈

聖鑒事竊照粵東地方仰荷

聖主福佑連歲豐登本年晚禾尤為茂盛倍於早稻茲

據布政使張渠彙報收成分數前來查廣南韶惠

潮肇高雷廉瓊等府羅定連州嘉應等州各所屬

收成俱有八九十分不等其米價自五錢以至九錢五分不等此皆我

皇上勤恤民依感召

天和是以年登大有家給人足臣不勝歡忭之至謹將各處秋成分數另繕清單恭呈

御覽外理合繕摺奏

聞謹

奏

以手加額欣慰覽焉皆緣卿等公忠體國惠澤逮民是以上感

天

和屢賜豐稔朕嘉與之懷筆難悉論果能念念不移斯志可保年年常應休徵勉之勉之通省文武大員將此諭咸令知之

雍正十二年十一月十二日廣東總督臣鄂彌達

謹

奏為請

旨事竊照本年九月十七十八等日惠潮地方偶被風雨隨經准等委員查勘田禾俱未成災所有查賑

緣由現經會摺

奏報茲據潮惠運同張士璉稟稱潮州府屬之海山

硃批諭旨

下

堯

鄂彌達

惠來浦東東界河東河西小江等場柵共飄失鹽一萬九千七百包零惠州府屬之南竈桂林海甲湖東淡水小晴等場柵共飄失鹽一萬六千四百四十包零共算該帑本銀四千一百兩零伏思發帑收鹽顆粒俱關課餉自應按數填補惟是各竈曬丁均係窮民若令賠償恐難措辦臣仰體

皇仁查有餘鹽羨餘銀兩可以抵補可否即將此項銀兩抵還帑本免其賠償之處臣未敢擅專據實

奏請伏祈

皇上特降俞旨施行謹

開奏

應如是權宜辦理免其賠償然須明白曉諭不可以爲常例致起愚民覬覦非分之想

雍正十二年十二月十三日廣東總督臣鄂彌達

謹

奏爲奏

聞事本年十一月內據潮州鎮臣范毓琦黃岡協副將郝忠賢先後報稱福建平和縣地方有匪犯葉揚聚集拜把圖謀不軌因伊母生日無戲隨搶莊千總戲童三名日夜演唱并有漳州分防廳衙役黃

諧亦在其內經該廳將黃諧枷號詎葉揚糾黨持械破枷搶犯逃入李仔坑該廳隨會同營員圍拏獲犯賴枋并戲童三名暨葉揚妻眷三口葉揚又逃入南靖縣翠微洞經漳州鎮差撥弁兵拏獲解交漳州府訊據供開同夥二十五人陸續拏獲夥黨黃苗張倬等八人尚有餘黨未獲等因稟報到

臣隨經批令該鎮協密諭汛地弁兵加謹巡防毋得絲毫聲張如有匪類逃入粵境嚴行查拏去後

理合奏

聞伏祈

皇上睿鑒謹

奏

此等匪犯應無分疆界嚴督緝捕務獲

雍正十三年正月二十六日廣東總督臣鄂彌達

廣東巡撫臣楊永斌謹

奏爲奏

聞請

旨事竊照粵東開墾一案從前廣肇二府承墾稅畝經

臣等陸續奏

聞并飭司行委各該鄰縣確勘結報在案臣等於上年

殊批諭旨

下

空

鄂彌達

八月內經委糧驛道陶正中前往高雷廉三府會同該道毛世榮督辦墾政并清查隱稅去後節據報稱高雷廉等三府所屬共墾首荒熟田六十七萬三千二百餘畝現在飭令核實結報照各該州縣原編科則分別陞輸外尚有合浦縣欽州二屬田共二十七萬二千一百餘畝已據各圖甲原業民人指地報承但查該州縣西連交趾南濱海島東北皆枕崇山舟車不通商販罕至居民種地餬口難以覓價完糧且各荒地俱係樹木叢雜墾闢既費工本辦賦亦多拮据近據民人聯呈籲懇請

減原編科則之半限年陞輸疊經該道陶正中等備查情形具稟前來伏查合浦欽州二屬爲天南最僻之區生計窘窄實與他邑懸殊目今民情效順各思務本三旬之內報首至二十七萬餘畝洵屬遐方盛事而細民狃於小見望恩幸澤冀得輕科可否俯順輿情量從輕減陞輸此實出自

天恩非臣等所敢擅議如蒙
俞允臣等卽另疏具

題理合先行奏

聞請

硃批諭旨

下

空

鄂彌達

旨謹

奏

百凡皆揆情度理因地制宜而爲之何不可之有

雍正十三年二月十二日兩廣總督臣鄂彌達廣

東巡撫臣楊永斌謹

奏爲恭謝

天恩事竊臣等保送原任廣東羅定州知州王植經部

臣帶領引

見奉

旨王植係革職之員希圖督撫保薦是以凡有差忒女之

處黽勉效力看來此人才具可用而其居心非屬端
人正士雖此時貌爲廉幹將來得缺任用之後未必
不改操易轍貽累保舉之上司今鄂彌達旣具摺力
薦竝請留粵委用著照所請命往廣東令該督撫留
心委用試看竝將此旨傳諭鄂彌達楊永斌知之欽
此仰見我

皇上澄敘官方之至意臣等跪讀之下不勝惶悚荷蒙
聖恩高厚教導成全感懼滋深嗣後惟有凜遵

訓旨留心試看倘委用之後該員不思實心報效或有
改操易轍之處臣等卽嚴行糾叅斷不敢稍爲姑

容自貽罪戾謹具摺恭謝

天恩伏祈

睿鑒謹

皇奏

汝二人督撫粵東以來可謂循分盡職而已至於美善則未也其咎在瞻徇之私未除亟當猛省痛改毋涉因循然非極力振作另具達觀遠識不能擺脫積習也勉之戒之

兩廣總督臣鄂彌達謹

奏為奏

聞事竊照粵東仰荷

聖主福庇歲登大有上年兩次豐收已經臣奏

聞在案入春以來雨水優渥二麥豐茂早稻漸次栽蒔

將來豐稔可期米價自七錢至九錢七八分不等

地方甚是寧謐再粵東地處天南雖時際隆冬氣

候尚覺炎熱是以積年以來霜雪希逢本年正月

十三十四等日省會一方微降雪珠闔省軍民踴

躍歡呼咸謂從來僅見續據韶州府屬各邑暨南

雄府縣嘉應州屬竝連州以及惠州府屬之長寧

博羅縣各稟報本年正月十三四五等日六出續

紛厚積數寸所屬士民額手歡欣俱稱目所未覩
臣查雪兆年豐他省亦稱美瑞况茲炎方普降洵
屬未有嘉祥此皆我

皇上至誠感召

天心默眷是以海隅大地覲此麻徵臣不敢壅於干五
上聞相應一併

奏報伏祈

皇上睿鑒謹

奏

粵東積雪至數寸實屬罕聞况得春雨接續麥稻均獲

滋植遙矚炎方曷勝慰悅

同日又

奏為敬陳管見仰祈

睿鑒事臣接准部覆浙江按察司劉章條

奏一件內開嗣後窯廠製造

御用磁器書寫

國號其燒造尋常貨賣磁器不得擅寫致干褻慢其器

具字跡破損散軼者通行各省飭令地方官曉諭

鄉保敬謹檢拾務於潔淨處所收貯等因臣奉准

部咨隨即出示曉諭竝通行該地方官一體欽遵

硃批諭旨

下

查

鄂彌達

示諭外伏查六書尊嚴

國號煌煌字跡奚容輕褻該司議飭各地方官曉諭鄉

保敬謹檢拾收貯所

奏誠當惟磁器製造年號本以垂之永久俾萬世後

咸知

令後世知本朝之美器何如今後世知本朝之美政與

本朝之美器羣相寶貴且我夫嘉言懿行可為模範於永久耶器器等類不過一時

國家幅員廣濶玩其奚關重輕堯舜之世茅茨土堵飲簋飲劍未聞有

聖德覃敷兩間精華之氣因物斯呈是以磁器精良較

稀奇之物流傳於後世也據云駕航海爭相購買不及古正在於此況遠洋外域爭相購買為磁器之精

正宜製以年號俾中國之器流通廣播竝令遐方

良耳與年號書否何涉劉章請禁擅寫於前汝復奏請

異地均識製造於後發號施宜數數更張所見隨矣

天朝美製卓越尋常况錢文傳布與他物製造年號者

甚多總以昭示臣民彰一統無外之規今該司恐

零星破磁落於污穢之地因有是

奏尚未周知磁器流通之廣遠臣思

國家體統攸關不應逐末遺本緣不揣冒昧妄獻芻

蕘請嗣後磁器零落有字跡者仍飭地方官曉諭

加謹檢拾收貯外其於窰戶燒造貨賣器具仍聽

照舊製造年號以垂久遠是否有當伏祈

皇上睿鑒施行謹

殊批諭旨

下

奏

鄂彌達

奏

詳細批諭矣汝其審思之

雍正十三年三月十五日兩廣總督臣鄂彌達廣
東巡撫臣楊永斌謹

奏為遵

旨奏覆事本年二月二十七日內閣寄到雍正十三年
正月二十三日因有人條陳禁止粵東開礦一事
欽奉

上諭一道遵

旨寄信到臣等臣等跪讀之下仰見我

皇上睿慮周詳

訓誨肫切不禁感激涕零伏念臣等庸材陋質叨蒙

聖主隆恩畀以海疆重寄凡已身陳

奏事件如有未妥協處自應於

聖明之前據實陳明焉敢回護瞻顧自蹈負

恩貽誤之咎竊查粵東惠潮韶肇等府礦產甚多原係

天生自然之利與其封禁使無知貧民偷窆而罹

於法毋寧竟行開採明予以資生之路且工商俱

用本地可無易聚難散之虞食口竝不加增又無

人滿糧貴之患實於地方有利無害臣等是以

奏請開採自蒙

聖恩俞允臣等卽遴委能員會同各該地方官將屬內有礦山場確勘煎試示召本省殷商取具地方官印結令其自備貲本前往開採其需用人夫工丁飭令各州縣查出樸實窮民取具甲隣戶首保結開明住址備造清冊移送管理之員如有面生可疑之人潛匿在山者卽行拏究并於附近廠地之村莊飭令各保甲嚴行稽察如有外來之人歇宿務須根究毋得容留匪人潛行窺探地方文武以及委理之員稍有疎忽卽行叅處如此立法嚴密

將來礦旺人多固不虞其滋事卽礦竭之時此項人夫工丁原有姓名住址可稽仍可令地方官按冊著令原保之甲隣戶首領回照舊安插臣等於未經陳

奏之先先已再三籌畫實無難散之虞茲據條陳內稱康熙三十七八年間督撫

奏請開採而各處道路村莊因受劫掠之害至康熙五十一年餘孽仍復猖獗劫掠英德翁源曲江等處名爲山賊實係礦徒等語臣等檢查原卷康熙五十一年行劫英德縣民鍾上位等家係鐵爐停

煽工丁關鳳生等夥同行劫竝非礦徒餘孽至所稱翁源曲江二縣五十一年竝無盜案可稽且查康熙三十七八年間開礦至五十一年已十有餘載封礦既久如何尚有礦徒聚集據云礦徒亦不過數十餘人粵東文武官弁竝兵丁數萬所司何事如何竟任其猖獗至十有餘年不息又條陳內稱入山傭工者卽係無賴之窮民今礦山一開則無賴姦徒號召雲集誠恐將來滋事等語臣等查盜賊多屬游手好閒焉肯傭工開礦至於礦徒雖不能保其全係良民但其中傭工受值者多游手

好閒者少且窮民入山傭工旣得生計尚恐其爲無賴而滋事如竝不與以資生之路豈反能保其不滋事乎又條陳內稱粵東一年所收之穀不足供本省半年之食第查粵省雖屬山多田少若無旱澇所產米糧亦可敷一年之食再藉西穀卽能充裕是以臣等

奏請建倉貯穀無非爲充裕民食預備荒歉之計今乃云不足半年民食未免言之太過又條陳內稱鼓鑄之事小臣等請開礦鼓鑄原非專爲

國家經費起見祇因天地所產金銀有數民計艱難

今將銅鉛鼓鑄使官鑄流通於各省而山場所出皆成有用之金銀粵東百姓增出金銀無數自然家給人足於

國計民生均有裨益似非細事但查礦山既開將來各場需用人夫工丁以及買賣食物人等口角爭鬪之事固所不免倘或傳聞附會借此以實其言臣等將何辭以自解況卽不開採通省盜案亦不能保其必無設將來一有盜案事發盡歸罪於開採臣等身家性命固不足惜卽粉骨碎身究無補於地方窮民且深負我

皇上矜全之隆恩臣等再三籌議停止開採實屬安靜

且恭繹

聖諭數年以來粵東年穀順成米價平減盜賊漸少地方寧謐爲大吏者當以靜鎮處之不當引之於動大哉

皇言誠帝王治世安邦之至理千載不易之良謨臣等不勝感激之至查粵東開採之事奉行未久惟惠州府屬已開三四處在廠人夫不過一二千人辦理少有頭緒其餘各府現在查辦尚未開採停止甚易似應仰懇

聖恩將開採之事

敕部暫行停止理合遵

旨據實陳明伏祈

皇上恩鑒施行臣等謹

奏

停止開採甚是地方一切事務自當以久遠寧帖永無後患始爲盡善有旨諭部矣

兩廣總督臣鄂彌達廣東提督臣張溥謹

奏爲

奏覆事雍正十三年正月內右翼鎮臣李惟揚錄送

奏摺一件內稱中營遊擊楊琳惑於堪輿嫌中營衙

門不利圖換右營衙署經詳護理鎮臣王濤批允

皇上移住迨右營遊擊王臣到任不肯更換通詳督提

楊琳仍移原署自此竟成嫌隙王臣見楊琳結交

人衆借稱熟諳水性請調水師以避楊琳及臣回

任當面嚴飭化導二人究不能相洽誠恐貽誤營

伍等因奉

硃批言之督提欽此查右翼中右二營更換衙署一案

緣中營衙署在韶州東門逼近河干該營公庫存

貯官兵俸餉楊琳因右營衙門枕近鎮署周防慎

硃批諭旨

下

主

鄂彌達

密是以具詳更換經護鎮臣批允續於上年三月
內王臣莅任以營署不便紛更具詳隨據楊琳稟
稱右營既稱不願情甘移讓以協同寅臣又經批
布政司會同右翼鎮查議隨經該司該鎮以楊琳
業經移讓具覆當即檄飭各居原署在案事歷經
年已無異說至王臣請調水師據稱四渡重洋熟
習船務願就所長以圖報稱臣等以水陸均為
皇上效力亦經會議俟有水師缺出

題請調補在案今鎮臣李惟揚乃又以二弁不能相

容陳

奏竊思該弁等如果挾隙誤公有玷官箴該鎮即應
據實揭叅若云該弁等才尚可用而人地實不相

宜又何妨向臣等商酌調換今乃以已結陳案瑣
李惟揚之奏朕不厭也事之情節自應體察不可以為

瑣瀆冒昧而露真怪辭色以阻朕之聽聞素所厭者或
聖聰甚屬冒昧除現在確查該弁等果否互相傾軋有
身家私事越分妄干或浮泛虛文連篇累牘及或謬為
無貽誤臣等另行酌量辦理外謹會摺
公論而內藏詐偽等類耳知之

奏覆伏乞

皇上睿鑒謹

奏

覽

硃批諭旨

下

三

鄂彌達

雍正十三年四月初六日兩廣總督臣鄂彌達謹
奏爲恭報二麥豐收米價平減仰慰

聖懷事竊照粵東今春瑞雪繽紛雨水霑足經臣將二
麥秀茂早禾插種情形奏

聞在案今據各屬申報二月以來風雨調和二麥豐收
俱有十分九分近日米價平賤廣南韶肇惠潮各
府嘉應一州上米每石價銀自八九錢至一兩四
五分不等中米每石自七錢五六分至八錢八九
分不等次米每石自六錢六七分至七錢八九分
不等高雷廉瓊四府羅連二州上米每石自七錢

七八分至八錢五六分不等臣隨於三月二十七
日自廣赴肇見各處田畝土膏滋潤禾苗暢茂徧
詢老農據稱秧苗甚是壯盛現在陸續插蒔民情
欣悅臣覩此民安物阜之象不勝慶幸除廣西各
屬俟查報到日另摺奏

聞外理合繕摺

奏報伏祈

皇上睿鑒謹

奏

覽

硃批諭旨

下

三

鄂彌達

今春普蒙

上天惠澤直隸以及各省雨水咸屬均調誠可謂大幸也

兩廣總督臣鄂彌達廣東巡撫臣楊永斌謹

奏為

奏覆事本年三月二十三日內閣寄到雍正十三年

二月十九日奉

上諭前朕訪聞龍為霖劣蹟種種諭知鄂彌達等伊等始行題參今日覽鄂彌達等續參龍為霖失察吏胥偷盜庫銀一本看來似覺有心示以嚴厲毫不徇情者伊等有假此一案便於將來審訊各案時徇情庇

護景象爾等可寄字密諭伊等倘審訊稍有回護瞻徇不公之處經朕訪聞決不寬貸欽此遵

旨寄信到臣等臣等跪讀之下不勝悚惶竊查潮州府上之廣濟橋商稅該參守龍為霖自到任接收以來歷年侵欺之銀甚多臣等不早覺察至上年九月內始訪查得實又蒙

皇上矜憐臣等愚昧前蒙同知劉示親圖私難自特命太學士等寄信由臣等因由臣等前來並奉親到諭知將龍為霖特疏擬請處參守龍為霖失察吏胥懇到題參是從前失察之咎已無可追臣等尚恐所參之

殊批諭旨

下

誌

鄂彌達

外別有欺隱隨密飭署府鹽運同知張士璉細加
備查察續據張士璉揭報該叅守失察胥吏吳應隆
并命偷盜庫銀五千兩等因由司轉揭前來臣等據揭
皇上續叅以冀稍贖前愆何敢陽示嚴厲陰圖庇護自
蹈欺查等語

君罔平對越之虞其受且善不早覺察至壬午六月內
上之罪且臣等身受

聖主天高地厚之恩寧不思竭蹶圖報翻欲開脫貪官

前墨吏既經失察於前又復徇庇於後臣等具有人
因從前竟有意外之人心故今茲乃有逆料之戒諭耳
斷心焉忍狂詐至此今蒙

皇上訓示諄諄益當秉公嚴審斷不敢一毫涉私上干

國法除另行審擬具

題外理合繕摺

奏覆伏祈

皇上睿鑒謹

奏

覽

同日又

奏為奏

聞事雍正十三年二月十二日據護理高州總兵印務

硃批諭旨

下

查

鄂彌達

督標中營副將王濤稟稱上年十二月二十日風聞有吳川縣蔡日升客船在彭城港外陡遇賊船一隻劫去錢物等項又聞有木槓賊船飄泊於瀾州海面捉拏魚船之人代運贓錢進口等因稟報到臣等隨即飛檄高州府文武各官分頭嚴緝前項船賊務獲解究一面照行高州鎮按察司確查被劫實情開列文武疎防各職名照例詳參去後茲於三月二十四日據該護鎮王濤及吳川縣知縣章國錄各稟報陸續拏獲行劫蔡日升客船盜犯李捷倫等四名到案傳同事主面質訊據李捷

倫等僉供小的們俱係吳川縣人於上年十二月初八日搭了化州洪亞三漁船出海舵工林帝佐係海南僱工無住址洪亞三之僕洪亞生住化州界上篙手李亞花蘇茂俱茂名縣人一共九人至二十日被風飄到安南江坪老鼠山地方灣船遙對彭城見同駐蔡日升客船內多錢物一時起意過去搶奪回船駛至瀾州海面不識路徑捉拏漁船上人要他指引隨即放去後來各人分搭小船散踪等語又據續獲蘇茂到縣訊供與李捷倫等所供相同等因稟報前來臣等除飛檄按址勒拏

供黨并失察官員擬議另行

題報外事關捕獲洋盜理合據實奏

聞伏祈

皇上睿鑒謹

奏

肅靖海疆固在嚴緝盜匪無緩內地又在勤察貪員是乃爲政之本也勉之

同日又

奏爲奏

聞事查副都統臣毛克明近因患病脾泄精力微弱辦

事雖無遺誤臣等看其精力甚覺勉強支持若不靜攝數月恐遽難全愈副都統毛克明雖有捺兵管關之責然尚有將軍右翼副都統竝副監督諸事尚不致遺誤臣等仰體

皇上愛恤臣工之至意理合據實奏

聞謹

奏

命伊暫停辦事靜攝數月朕已遣醫往治行將至矣

雍正十三年閏四月初九日兩廣總督臣鄂彌達

奏謹

奏爲請

旨事竊臣仰荷

聖恩節制廣西任事以來考驗西省將備千把弓馬平常者居多及隨時察詢邊防營制間有應行變通斟酌之處因未親身閱歷無由熟悉周知未敢輕爲置議致滋日後紛更今准廣西提臣霍昇鈔送奏摺以柳州城守營兵少差繁無暇訓練技藝生疎人亦罷憊請於提標中營內抽兵一百二十名添入城守營以便輪班更替按期操演等因欽奉硃批與臣商酌意見若同具題奏請欽此臣查同城抽

撥雖兵無增減但廣西通省標營或有似此應行酌改之處亦未可定且將弁弓馬考驗尚屬平常則兵丁技藝生疎罷憊者當不止柳州城守一營爲然兵防最關緊要整飭務宜嚴密況柳州接壤古州現今蠶苗尚未帖服若非親身查察不能措置得宜第恐目下巡行不無張惶耳目臣擬於七八月間親赴西省將沿邊內境詳加查看標營兵制逐一考核如有應行相險設防酌量抽調更改之處容臣會同廣西撫提諸臣確商妥議一并

奏請

硃批諭旨

下

庚

鄂彌達

訓示庶幾邊方營制無更換之煩而通省軍容收整飭之效矣除將提臣摺

奏情節咨明查照俟臣到西省後另行會商覆奏外理合具摺請

旨伏候

聖訓遵行謹

奏

巡歷粵西目下且止霍昇抽撥之奏尚屬可行會疏題請候旨定奪

同日又

奏爲恭謝

聖訓事竊臣前因部覆浙江按察司劉章條

奏尋常磁器不得擅寫年號一案臣以年號係

國家體制信今傳後中外咸尊所關甚巨應請照舊

一體書寫製造俾萬世羣相寶貴等情冒陳

天聽荷蒙

皇上硃批美器何如美政之足爲天下後世法大哉

王言周詳指示堯舜之世未聞珍玩流傳

聖明之朝自有聲名洋溢臣止知器物因年號而尊重

皇上所見猶爲淺小蒙

硃批諭旨

下

堯

鄂彌達

皇上逐一訓諭不但自愧管窺蠡測不足仰贊
高深於萬一實開臣之茅塞長臣之識見所有感激微

忱理合

奏謝謹

奏

大抵淺小之誦諸臣率不能免

兩廣總督臣鄂彌達廣東巡撫臣楊永斌謹

奏爲恭謝

聖訓事竊臣等前因保送原任廣東羅定州知州王植

赴部引

見欽奉

諭旨留心委用試看隨經恭摺

奏謝復奉

硃批臣等跪讀之下感激悚惶莫可言喻伏念知人自

古爲難保送務求公當祇因人才難得見有片長

足錄者不忍令其棄置是以往往冒瀆

聖聰其實臣等無知人之明何敢懷私心而稍存瞻顧

之念況受

恩深重又何敢爲人而自干濫舉之咎今蒙

聖諭諄切惟有銘心鏤骨時時猛省益秉公忠以仰副

硃批諭旨

下

今

鄂彌達

皇上諄諄訓勉之隆恩謹此具摺恭

謝伏祈

聖鑒謹

奏

難事也莫易視之以鄂爾泰之明達尚不免因此受累況其餘者乎若信不及看不透日後必致悔吝之萌不可不知也

雍正十三年閏四月二十一日兩廣總督臣鄂彌

達謹

奏為奏

聞事竊照黔省古州與廣西柳州緊相接壤自逆苗聚

眾為匪臣卽密札撫臣金鉷提臣霍昇簡選將弁

練習兵馬預備軍糧器械聽候調遣需用竝密飭

沿邊文武加謹防範不時確探信息飛報在案閏

四月十六日接准撫臣金鉷來咨內稱提督霍昇

於閏四月初八日准古州鎮咨調西省官兵二千

名星往古州應援提臣霍昇卽派提標暨各營兵

共二千名交右營遊擊楊剛前營遊擊李正國協

同統領悉聽古州鎮調遣等因臣查提臣撥兵二

千僅有遊擊等微員統率前往則各營兵力勢必

不齊且以粵兵而聽古州鎮調撥更恐呼應不靈
必得總統大員相機調度方能無誤隨查左江鎮
臣王無黨向在古州出師著有勞績熟諳苗寨情
形臣卽飛檄專委該鎮總統粵兵會合古州鎮詳
悉商酌會同剿捕去後茲於閏四月十七日據古
州鎮臣韓勳呈稱古州苗衆本鎮現在相機剿撫
復有臺拱清江等處苗人妖言誑結羣起跳梁抗
拒官兵蔓延鎮遠府縣內地多被侵陷燒劫又有
八寨苗人亦被煽誘敢於攻犯汛防如此肆行猖
獗必當大加究剿提督現在鎮遠施秉一帶指麾

佈置古州一鎮乃新疆總隘根本之區兩省唇齒
重地關係匪輕合亟呈請調撥官兵星馳應援均
懇勿致遲滯等因并准提臣霍昇飛咨前來臣思
逆苗肆橫聲息相通最易勾連蠢動黔省提鎮分
頭剿捕兵勢單少立待應援而西省沿邊猺獞雜
處竊慮聞風滋事彈壓不可不嚴今提臣撥兵二
千之外細籌接壤各營以及梧州等協存兵皆不
過百餘名又不便再行多調且古州八寨上江等
處在在告警粵兵雖有二千仍恐不敷調遣萬一
再需兵力臨時無可策應臣再四籌度隣疆一體

何敢坐視伏查廣東額兵頗多平時操練已稍可觀軍裝齊備器械鋒利

國恩豢養有年各兵俱願奮勇出力以之調遣實能用命且廣東一水之地十二三日卽到柳州再十餘日便可直抵黎平道路不爲遙遠當此隣省緊急軍機西省邊防尤重臣有援剿之責若待請

旨策應誠恐有誤機宜是以不敢拘泥成例隨密商廣東撫臣楊永斌提臣張溥卽撥臣標兵一千名委中軍副將王濤統領守備二員千把十員於閏四月二十一日由水路前往古州飭令會同左江古

州二鎮統聽貴州提臣哈元生相機調度一面飛咨廣西撫臣金鉷於黔粵交界之石碑沈口等要隘汛地先撥撫標兵五百名控扼堵禦再撥東提標兵一千名委中軍叅將任龍爲總領守備千把俱照臣督標派撥之數隨後進發統聽古州左江二鎮會同調撥合計東西兩省之兵共有四千聲威旣壯調遣可以裕如而粵省沿邊交界又有西撫標兵彈壓苗猺知所畏懼自當帖伏寧謐或黔省再需兵力卽將西撫標堵禦之兵亦聽貴州提臣就近一并調遣臣現在各路安設馬塘一有緊

急調兵之處再於東省附近各營星飛遣撥隨後
接應庶爲有備無患而醜苗癘疥之疾自可不日
掃除矣至西省二千之兵撫臣金鉷已借支三箇
月糧餉委員監紀散給東省標兵二千亦預借四
箇月糧餉按名散給竝咨會撫臣金鉷再委大員
督運兵糧以資接濟外其餘一應軍裝器藥船隻
等項亦俱辦理無誤理合一并奏

聞是否有當恭請

皇上訓示謹

奏

撥兵援剿之舉深合機宜一切處慎重辦理更防姦匪
乘隙煽惑人心不時留意密加察訪毋忽

雍正十三年六月十三日兩廣總督臣鄂彌達謹

奏爲恭報早稻收成分數并米糧價值事竊粵東地
方本年自入夏以來雨水霑足早稻秀實至五月
中旬俱已陸續刈獲先經臣通飭各屬將實在收
成分數據實查報去後茲據司道府州縣先後申
報前來臣查廣州南雄等十府羅定等三州各所
屬俱有十分九分收成其八分收成者僅十餘縣
而七分收成者惟三水縣一處至通省米價每石

自六錢起至一兩不等今新米上市價值日平現在地方寧謐人民安業此皆我

皇上念切民依精誠感召是以邊海蒼生成歌樂利臣不勝歡忭之至理合繕摺奏

聞上慰

聖懷伏祈

睿鑒謹

奏

粵東早稻收成米價平減各情形欣悅覽之若非卿等忠誠任事除暴安良懲貪獎廉有以舒暢兵民之心志

何能有此感召日覩庶徵類應速如影響而不倍加寅畏時時自省可乎勉之

兩廣總督臣鄂彌達廣東巡撫臣楊永斌謹

奏爲奏

聞事竊查粵東地方本年雨水霑足早稻豐收臣等現

已另摺具

奏外惟五月初旬陸續據廣州府屬之番禺從化增城花縣各稟報於閏四月廿七八九等日風雨連綿凡港汊紆折窄隘之處疏洩不及其低窪處所民間草茅房屋間有被浸倒壞營房墩臺等項亦

間有坍塌等情又據惠州府屬之海豐縣稟報本年五月初五日風雨大作民房舖店亦有倒塌等情各稟報到臣等隨即飛飭布政司動存公銀兩委員帶往會同各該地方官確查被水情形給銀賑恤毋令失所去後隨據各委員查勘覆稱被水各屬一縣之中不過一二處緣大雨之後山潦陡發以致壅溢未及一日旋即消退內番禺之江村花縣之羅漢塘增城之楊梅金牛綏寧各都海豐之大液小液等邨田禾間有被水衝浸畧減分數其餘並未成災從化縣田禾並無傷損又海豐縣

壓斃人民二口花縣衝陷圍基二十餘丈其餘人口圍基俱無損壞至民間茅篷竹壁及土築牆垣被水浸倒者現在分別按戶實給撫恤通共支發銀一千八百八十餘兩卽令築復居住俱已得所各等由前來臣等復思此等被水民人雖經加意賑恤但築復廬舍恐不無飯食之需隨又飭令各該縣將糶三穀石於平價之外再行酌減三四分令被水之民赴買如貧難小戶艱於買穀者卽將本鄉存貯社穀酌借冬成償還免其加息務令均霑實惠已各得所再連州地方亦據報有風雨傾


圮城垣并營房數處又龍門縣亦報傾圮營房數處但人口田禾俱各無傷倒塌民房亦俱無幾業據該州縣報稱已經查明捐賑得所毋庸再行賑恤等因臣等復經確查無異除將各處營房墩臺等項以及連州城垣飭令勘估酌動公項作速修葺完固以資防禦外所有各縣偶經水潦情形臣等誠恐有塵

聖懷理合將已經詳慎辦理緣由據實奏聞伏祈
皇上睿鑒謹

奏

粵省雨水壅溢之患不特於時甚然為天下者當思一夫不獲猶已溺已飢務須實力撫恤俾各安生業始可以告無過也

天



卷之四